

Sakspapir

Saksbehandler	Arkiv	ArkivsakID
Magne Verpelstad	FE-151	19/245

Saksnr	Utvalg	Type	Dato
026/2019	Formannskapet	PS	26.11.2019
	Kommunestyret	PS	

Budsjett og økonomiplan 2020-2023

Forslag til vedtak:

1. Modalen kommune sitt budsjett og økonomiplan 2020-2023 vert vedteke slik det ligg føre i tråd med budsjett- og økonomiplandokumentet.
2. Eigedomsskatt 2020:
 - a. For eigedomsskatteåret 2020 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på Kraftverk, vindkraftverk, kraftnettet og anlegg omfatta av særskattereglane for petroleum».
 - b. Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd
 - c. Eigedomsskatten for 2020 forfell til betaling i 2 terminar: 31. mars og 30. september, jfr eigedomsskattelova § 25
 - d. Klagenemnda for eigedomsskatt har kompetanse til å handsama klager etter § 19 i eigedomsskattelova, jfr § 20 i eigedomsskattelova.
 - e. Modalen kommune gjennomførte ny alminneleg taksering i 2019. Dette omfattar i praksis kun kraftnettet, då eigedomsskattegrunnlaget for kraftverk er likningsverdiar.
1. Låneopptak frå Husbanken til vidareformidling vert fastsett til kr 1 500 000 for 2020. Rådmannen har fullmakt til å gjennomføre låneopptaket.
1. Låneopptak til finansieringa av investeringar 2020 vert fastsett til kr 25 500 000 for 2020. Rådmannen har fullmakt til å gjennomføre låneopptaket.
1. Betalingssatsar for 2020 vert vedteke i tråd med vedlegget: Modalen kommune – Betaling for kommunale tenester 2020

Saksopplysningar:

Bakgrunn

Rådmannen legg fram sak om budsjett og økonomiplan 2020-2023 til handsaming i formannskapet.

Formannskapet skal handsame framlegget og gje innstilling til vedtak i kommunestyret.

Vurdering

Det vert vist til vedlagte dokument:

Modalen kommune – Økonomiplan 2020-2023 og årsbudsjett 2020 – Framlegg frå rådmannen.

Dei økonomiske rammene for kommunen har vorte strammare dei seinare åra. Det har medført strammare økonomi i avdelingane, og større utfordringar ved salderinga i samband med budsjettering. I planperioden legg me til grunn at eigedomsskatteinntekta vil auke igjen, og bidra til betring i økonomien igjen. På den andre sida er det store investeringar på investeringsplanen som vil medføre både bruk av fondsmidlar og låneopptak. Dette vil føre til auka finanskostnader, og stramme inn økonomien i drifta framover.

For budsjettåret 2020 legg rådmannen fram eit budsjett med eit netto driftsresultat på kr 3,7 millionar som utgjer omlag 3,7 % av samla driftsinntekt. Økonomiplanen for 2021 vert lagt fram med omlag same resultat, medan netto driftsresultat for økonomiplanåra 2022 og 2023 er 5,6 % og 4,3 %.

Frå 2021 vert økonomien som nemnt påverka av finanskostnadane frå dei store investeringsprosjekta i 2020, samt at pensjonsutgiftene vert høgare som følge av auka amortisering av inntektsført premieavviksinntekt tidlegare år. For å saldere og betra driftsresultata er rammeløyvingane stramma inn frå og med 2021 med 2 %. Nivået er så halde på tilsvarande nivå ut planperioden. I oppsettet for 2021 er dette fordelt likt på alle budsjettområda.

Konklusjon

Budsjetttrammene er saldert for å finansiere drifta i tråd med inntektene i 2020. Økonomiplanen er saldert for å finansiere ei drift i tråd med dei årlege inntektene, og gje rom for auka finansutgifter knytt til finansiering av nytt nærings- og tenestesenter, samt brannstasjon.

Nedjusteringa av rammeløyvingane med 2 % frå 2021 må ved neste budsjettprosess konkretiserast/spesifiserast og innarbeidast i detaljbudsjettet for 2021.

Det vert vist til budsjett- og økonomiplandokumentet med tekst og tabellar, både drifts- og investeringsdelen.

Formannskapet - 026/2019

FOR - behandling:

Økonomisjef orienterte om rådmannen sitt framlegg til driftsbudsjett og svara på spørsmål. Økonomisjef, rådmann og teknisk sjef orienterte om framlegget til investeringsbudsjett, og foreslo å flytte planlagt investering på VA og infrastruktur på Helland frå 2020 til 2021/2022. Dette gjev rom for å kunne prioritere andre investeringar i 2020. Formannskapet foreslo mellom anna å flytte oppgradering av ballbaner på Øvre Helland og Mo frå 2021 til 2020. Formannskapet bed administrasjonen om å justere investeringsbudsjettet i tråd med dei endringane som vart drøfta i møtet før det vert lagt ut til offentleg ettersyn og lagt fram for kommunestyret. Administrasjonen foreslo å auke investeringsposten på VA plan frå 450 000 kr til 700 000 kr, etter råd frå DIVHA. Dette vert å kome tilbake til i kommunestyret 12. des for endeleg avgjerd. Det same gjeld saka om å gjere om deler av Otterstad frå kombinert formål til LNF område i kommuneplanen. Dette vil i så fall kreve ein områdeplanprosess, med estimert kostnad på 270 000 kr. Dersom ein utset dette til revidering av kommuneplanen vil ein ikkje ha ekstra kostnader med å gjere denne endringa. Ordførar låg fram rådmannen sitt framlegg til vedtak, med formannskapet sine endringar i investeringsbudsjettet. Samrøystes vedteke

FOR - vedtak:

1. Modalen kommune sitt budsjett og økonomiplan 2020-2023 vert vedteke med Formannskapet sine endringar i investeringsbudsjettet.
2. Eigedomsskatt 2020:
 - a. For eigedomsskatteåret 2020 vert det skrive ut eigedomsskatt med heimel i eigedomsskattelova § 3 fyrste ledd bokstav c: «berre på Kraftverk, vindkraftverk, kraftnettet og anlegg omfatta av særskattereglane for petroleum».
 - b. Den alminnelege eigedomsskattesatsen i Modalen kommune er 7 promille, jfr eigedomsskattelova § 11 fyrste ledd
 - c. Eigedomsskatten for 2020 forfell til betaling i 2 terminar: 31. mars og 30. september, jfr eigedomsskattelova § 25
 - d. Klagenemnda for eigedomsskatt har kompetanse til å handsama klager etter § 19 i eigedomsskattelova, jfr § 20 i eigedomsskattelova.
 - e. Modalen kommune gjennomførte ny alminneleg taksering I 2019. Dette omfattar I praksis kun kraftnettet, då eigedomsskattegrunnlaget for kraftverk er likningsverdiar.
1. Låneopptak frå Husbanken til vidareformidling vert fastsett til kr 1 500 000 for 2020. Rådmannen har fullmakt til å gjennomføre låneopptaket.

1. Låneopptak til finansiering av investeringar 2020 vert fastsett til kr 25 500 000 for 2020.
Rådmannen har fullmakt til å gjennomføre låneopptaket.
1. Betalingssatsar for 2020 vert vedteke i tråd med vedlegget: Modalen kommune – Betaling for kommunale tenester 2020

Vedlegg:

Budsjett - Økonomiplan 2020-2023 Rådmannen sitt framlegg

Søknad om tilskot til drift av Mo sokn for 2020

2019 - Mo sokn - føreslått budsjett for 2020

Modalen kommune - betalingssatsar 2020 - framlegg

Statsbudsjettet 2020 - Kommuneopplegget

Særutskrift - Modalen kontrollutval - budsjett kontrollutvalsarbeidet 2020